

## 下篇

### 一 容 閣

容閻，字純甫，一名達明，廣東中山縣人。道光八年生，爲中國最早留美學生，亦最早提倡洋務。而於中國新文化運動，極有關係，其影響於維新變法者，亦甚鉅也。

純甫爲中山縣南屏鄉人，少時，就學澳門瑪禮遜紀念學校，未終業，歸故里，入私塾讀書。迨香港割讓與英，瑪禮遜校亦遷香港，乃續入學，爲第一班學生，以成績優良，爲校長美人勃朗氏所賞識，因得其助，赴美留學矣。

自孟松中學畢業後，考取耶魯大學，屢以英文論說優異，連獲學校之首獎，爲

彼邦師友所重視。時當清政窳敗，外交失利，純甫目擊美國教育日新，民主政治蒸蒸日上，因慨然有爲祖國倡導革新之宏願。並擬將中國學術，介紹於西土，西方文明，灌輸於中國，以期文化交流，而收補偏救弊之功，殆非以後少數沒出息之留學生，拾人牙慧，數典忘祖者，所可同日而語。

## 二

咸豐四年歸國，先至澳門省親，既徙居廣州，補習中國文學，曾一度居香港，習爲律師。其時，太平天國，已定都南京。乃間關赴上海，任英商寶順洋行書記，英人欲任其爲駐日本長崎分行之買辦，非其所願，婉言辭之。

旋與美國教士及友人曾恆忠，赴南京訪問，謁拜王洪仁坪，仁坪者，天王洪秀全之從弟，天國末期之要政，出其擘畫也。純甫以清政窳敗，天國初興，爲政治自然之演進，乃向仁坪建議七事，其大要爲：以制度組織軍隊，設立武備學校，建立海軍學校，延用富有學識經驗之人才，創設銀行，普及教育，設立實業學校，俱

爲仁圩所嘉納。而終因諸王意見紛歧，未果實施，純甫以計之不行也，憤而返上海。

### 三

歸滬後，仍任職寶順洋行，赴九江經理購茶，忽得友人張斯桂，李善蘭之函約以總督曾國藩夙慕其名，亟欲一見，斯桂，曾軍之統帶，善蘭，國藩之幕友，皆從駐安慶，固早爲純甫游揚矣。

既謁國藩，暢談甚洽，遂受命籌備機器廠，旋赴英美，購買機器，涉歷重洋，爲時兩載。運抵上海，即於高昌廟裝設，名曰「江南製造總局」。局旁設兵工學校，局內設繙譯館，十餘年間，譯書一百餘種。區區一局，遂爲洋務之重鎮，遺惠無窮，純甫之力耳。

嗣後，李鴻章之洋務，張之洞之漢陽鐵廠，大治鐵礦，實受其影響。純甫原欲輔助天國，推行新政，而所志不遂，轉而助國藩，其九十度大轉變，誠不免使人駭

異，庸詎知，伊尹聖之任者也，亦嘗五就湯，五就桀，故聖賢之用心，在行其道以利天下，他非所計也。

#### 四

純甫新政之計劃，重點在於教育，故選派青年赴美留學，以爲國家造就建設之人才，以爲新文化運動之啓發，殫精竭慮，併力以圖。曾國藩，李鴻章，據其主張，會衝奏陳，奉旨照辦。純甫遂與翰林陳蘭彬，共負辦理赴美留學之專責，而第一批學生三十人，遂聯袂放洋。

自第一批以至四批，約計一百餘人，其中廣東籍佔三分之二，次爲江蘇，學成回國，多有建樹。其中尤顯者，爲梁敦彥，唐紹儀，梁誠，詹天佑。敦彥於光緒末年，任外務部尙書，紹儀爲侍郎，出爲奉天巡撫，民國建立，第一任內閣總理，梁誠爲駐美大使，天佑爲漢粵川鐵路督辦，而於京章路上，立功尤著，出居庸關，抵八達嶺，則見青龍橋畔，銅像矗立，萬古不朽。

當留美學生大多回國以後，純甫以任務終了，賦居美土。會值朝鮮事起，乃上書總督張之洞，主張亟向英國借款，購辦鐵甲兵船，僱用外國兵，由太平洋襲擊日本後路，必可轉敗爲勝，轉危爲安，之洞深諳其議，而相國李鴻章已與日本議和，此議遂寢。

## 五

未幾，奉之洞電召返國，遂以變法維新進陳，之洞雖稱善，而格於環境，無從實行。遂辭之洞，再赴上海，轉遊北京，建議清廷，設立國家銀行，開辦全國鐵路，亦爲守舊派所反對。斯時，康有爲，梁啓超，以鼓吹維新變法，上書清廷，與純甫所主張，多不謀而合，故北京容氏客寓，遂爲維新黨人集會之所。詎料，晴天迅雷，政變突起，康梁潛逃，六臣殉難。而純甫亦爲清廷所忌，乃潛赴上海租界，旋偕族人容耀垣，再遷香港以避之。

香港為革命黨人活動區，以排滿清，建民國，號召於天下，奉孫中山先生為領袖。原欲聯合純甫，共同奮鬥，而終未得諧，惟其族人耀垣則加入同盟會。純甫遂於一九〇二年，再赴美，優遊晚景，著「西學東漸記。」中華民國成立後，中山當選為臨時大總統，以純甫倡洋務，於溝通中西文化，厥功甚偉，乃致書促其歸國，略云：『……民國建設，在在需才，素仰盛名，播震寰宇，加以才智學識，練達過人。用敢備極歡迎，懇請先生歸國，倘俯允所請，則他日吾人得安享自由平等之幸福，悉自先生所賜矣。』純甫得書，欣慰之餘，頗欲成行，而老病復發，以民國元年十二月二十三日，卒於美國哈特福德州，享年八十有四，有子二，長名觀彤，次名觀愧，亦均畢業耶魯大學。